

Headline	Latihan Hornbill 27/19, Brumal tingkat pertahanan serantau		
MediaTitle	Harian Ekspres (KK)		
Date	05 Mar 2020	Color	Full Color
Section	Tempatan	Circulation	25,055
Page No	3	Readership	75,165
Language	Malay	ArticleSize	471 cm ²
Journalist	Stefyanie Myla Micheal	AdValue	RM 2,502
Frequency	Daily (EM)	PR Value	RM 7,507



RUSLI (keempat dari kiri) dan Norshahrinizam (ketiga dari kiri) bersama yang lain merakamkan gambar selepas majlis penutupan itu.

Latihan Hornbill 27/19, Brumal tingkat pertahanan serantau

Stefyanie Myla Micheal

KOTA KINABALU: Pelaksanaan latihan antara Tentera Laut Diraja Brunei (TLDB) dan Tentera Laut Diraja Malaysia (TLDM) yang tamat pada 3 Mac merupakan medium baik untuk berkongsi pengalaman dan kemahiran antara dua negara.

Majlis penutupan Latihan Hornbill 27/19 dan Brumal antara kedua-dua tentera laut diserikan dengan kehadiran Timbalan Panglima Armada Timur, Laksamana Pertama Rusli Ahmad.

Menyaksikan majlis tersebut ialah Pemerintah Armada Tentera Laut Diraja Brunei, Kapten Norshahrinizam Talib, Pegawai Pemerintah KDB DARULEHSAN Komander Edy Jofren Pehin Abdul Jalil dan Pegawai Pemerintah KDB SYAFAAT, Lt Abd Hafiz Mubarak Rusli.

Latihan antara kedua-dua tentera laut itu dijalankan setiap dua taun sekali yang bertujuan memperkasakan kemampuan operasi dalam operasi tentera laut.

Latihan selama tujuh hari itu meli-

batkan dua kapal RMN iaitu KD PERAK dan KD Baung sementara RBN dengan dua kapal mereka iaitu KDB Darulehsan dan KDB Syafaat melibatkan 500 anggota.

Objektif latihan itu secara keseluruhan adalah memberi peluang kepada RMN untuk bertukar idea secara profesional, meningkatkan kecekapan ketenteraan, mengukuhkan hubungan dua hala antara Malaysia-Brunei dan secara kolektif menyumbang kepada peningkatan keamanan pertahanan maritim serantau secara kolektif.

Sebagai tambahan kepada pelaksanaan latihan itu, perhentian RBN juga dapat meningkatkan pendapatan negara dan menghasilkan pendapatan untuk industri tempatan.

Sementara itu, Laksamana Muda Datuk Pahlawan Syed Zahrul Putra Syed Abdullah dalam ucapannya berkata pelaksanaan latihan ini dipercayai dapat meningkatkan tahap pertahanan antara

kedua-dua angkatan laut.

"Latihan yang bermula pada 29 Februari hingga 1 Mac lalu menyaksikan sebanyak 20 kapal dari Pangkalan TLDB terlibat, perjalanan berakhir di Pangkalan Tentera Laut Sepanggar.

"Ianya semulajadi untuk mempunyai kelemahan dan kekurangan yang dikenal pasti semasa latihan, sentiasa ada ruang untuk memperbaiki masa depan," katanya dalam ucapannya yang dibacakan oleh Rusli sambil menambah bahawa semua pihak harus berusaha untuk membetulkan kelemahan untuk meningkatkan lagi profesionalisme mereka.

Selepas majlis penutupan itu, sebanyak 30 anggota TLDM bergabung dengan 30 TLDB dalam khidmat masyarakat dengan konsep Komuniti Perhubungan (COMREL) di Sekolah Rendah Islam Al-Hafids Tuaran pada Selasa untuk mengukuhkan hubungan dua hala dan membantu mereka yang memerlukan.